

Ruu Week Nusun om Kopwe Apply ren Aninis meren FEMA

Release Date: October 27, 2023

HONOLULU – Ruu week nusun an ewe miwor imwer me ekewe ir mi rent ar repwe apply ren aninis seni FEMA ika mi wor taan neniom ren ewe kar non ewe Akos 8 won Maui. Kapwan tongeni barrow mwoni seni ewe U.S. Small Business Administration, ew chiechien FEMA ren an Maui forsefan.

Saingon ranin apply awenengeni non **Eruwanu, Nofamber 9**, ren an federal kewe nen. Mi eucha kopwe wanong item ren ekei prokramen aninis an FEMA mwen kopwe ketiw ren ekei prokram, iwen mi eucha kopwe mutir wanong item.

Aramas repwe pwan fori ar insurance claim ren met min tano ika peutuno ren imwer kewe, pisekir me war toraku mwen repwe apply ren an FEMA kei aninis. Mwoni seni FEMA esapw kamo sefan pwan an FEMA aninis ese takises me ese kuw om neuneuw Social Security, aninis me piong me pwan ekoch an federal kewe aninis.

Ewe American Red Cross a fokun wate an aninis non ei kar afis ngeni Maui. Ewe Red Cross a awora aninis ren pekin mwoni, imw me hotel me pwan ekoch aninis, fengen me anisi aramas ar repwe tongeni angei kei aninis seni an FEMA kei prokram. Ka tongeni fori om appointment ikei RedCross.org/HIhelp, kapas neun Red Cross chon anisi ren ekewe Disaster Recovery Center ika kori **800-RED-CROSS (800-733-2767)**.

An FEMA we prokramen aninis ngeni emon me emon mi forutiw non foforan an epwe tongeni anisuk ren met mi eucha ngonuk ren neni ika imw mi nimeoch me tumwun pwan mecheres me tori om kopwe nonom non. Ei aninis apwan awora rent, niwinin imw me niwinin forsefanin imw ika siwinin imw.

Ren om kopwe apply ren an FEMA aninis, eto ikei DisasterAssistance.gov, pwan eaea [FEMA mobile app](https://FEMA.gov/mobile-app) ika kori an **FEMA nenien anisi ren 800-621-3362**. Ika ke neuneuw video, me phone mi kawor mak won ika ekoch sokun, ngeni FEMA noumna nampa ika kopwene apply. Chon anisuk mi mwoneta seni kunok **1 a.m.**



FEMA

Page 1 of 2

ngeni 8 p.m., fisuw ran ew week, pwan sinei fosun sokopaten fenu. Tiki nampa 2 ren fosun Spanish. Tiki nampa 3 ren chon chiaku non kapasen fenuwom.

Ren videon fosun Merika mi pwomw won pau ren omw kopwe apply, eto ikei https://www.youtube.com/watch?v=LU7wzRjByhI&list=PL720Kw_OojIKOhtKG7HM_0n_kEawus. En mi pwan tongeni eto ren ekei nenien Disaster Recovery Center ika mi wor om kapas eis. **Ka tongeni kuna kei nenier ikei: [DRC Locator \(fema.gov\)](#).**

FEMA mi angang fengen me **ewe U.S. Small Business Administration**, ewe mi awora mwonien barrow ngeni kewe souneni, chon rent imw, mwicheich me kewe bisnis. Ekoch chon apply ren aninis ra no ngeni SBA ar repwe apply ren mwonien barrow. Souneni ra tongeni barrow ukukun \$500,000 seni SBA ren forsefanin ika siwinin imwer me nenier kewe. Souneni me chon rent ra tongeni barrow ukukun \$100,000 ren forsefanin ika siwinin nenier kewe.

Ren aninis pekin SBA, ka tongeni apply online me kut noum applications ikei <https://www.sba.gov/hawaii-wildfires>. Chon apply ra tongeni sinei porous ika re kori an SBA ei nenien anisi **800-659-2955** ika mak ngeni ikei disastercustomerservice@sba.gov.

Ika kopwe apply ngeni SBA nge mi wor terumw ren rongorong ika kapas, kori 711 pwe epwe wor chon anisuk. Ika awes noum application ka tini ngeni **U.S. Small Business Administration, nenien fori taropwe ikei, 14925 Kingsport Road, Fort Worth, TX 76155**.

Ren minafon porous faniten ewe angangen forsefan murin ewe kar won Maui, eto ikei mauicounty.gov, mauirecovers.org pwan fema.gov/disaster/4724. Fiti FEMA online ikei: [@FEMARegion9](https://www.facebook.com/fema) pwan facebook.com/fema. Kapwan tongeni sinei sopolopwun porous me kut noum application ikei [sba.gov/hawaii-wildfires](https://www.sba.gov/hawaii-wildfires).



FEMA

Page 2 of 2